

## E C S O D U S.

a thig iad a stigh do phàillium a' choi'-thionail, no 'nuair a thig iad am fagus do'n altair, a fhrithealadh 'fan *ionad* naomha; chum as nach giùlain iad aingidheachd, agus nach faigh iad bàs: *bithidh e* 'na reachd sìorruidh dha féin, agus d'a fhliochd 'na dhéigh.

### C A I B. XXIX.

**A**GUS fo an ni a ni thu riu chum an coifrigeadh, gu frithealadh dhomhs' ann an dreuchd an t-fagairt: Gabh aon tarbh òg, agus dà reithe gun ghlaoid<sup>a</sup>,

2 Agus aran neo-ghoirtichte, agus breacagan neo-ghoirtichte coi'-measgta le h-oladh, agus gearragan<sup>b</sup> neo-ghoirtichte, ungta le h-ola: do phlùr<sup>c</sup> a' chruithneachd ni thu iad.

3 Agus cuiridh tu iad ann an aon bhafcaid, agus bheir thu iad leat 'fa' bhafcaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàillium a' choi'-thionail, agus ionnailidh<sup>d</sup> tu iad le h-uifge.

5 Agus gabhaidh tu an éididh, agus cuiridh tu 'n còta air Aaron, agus falluing na h-ephoid, agus an ephod, agus an uchd-éididh, agus crìofraichidh tu e le crìos rìomhach na h-ephoid.

6 Agus cuiridh tu 'n crùn-fagairt air a cheann, agus an crùn naomh air a' chrùn-fagairt.

7 Agus gabhaidh tu 'n oladh-ungaidh, agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus crìofraichidh tu iad le crìofaibh (Aaron agus a mhic) agus cuiridh tu na boineidean orra: agus is leofan dreuchd an t-fagairt le reachd bith-bhuan: agus coifrigidh tu Aaron agus a mhic.

10 Agus bheir thu fa'near an tarbh a thoirt gu beulaobh pàillium a' choi'-thionail: agus cuiridh Aaron agus a mhic an làmhan air ceann an tairbh.

11 Agus marbhaidh tu 'n tarbh 'an làthair an Tighearna, làimh re dorus pàillium a' choi'-thionail.

12 Agus gabhaidh tu do fhuil an tairbh, agus cuiridh tu i air adhaircibh na h-altarach le d'mhèur, agus dòirtidh tu 'n fhuil uile aig bun na h-altarach.

13 Agus gabhaidh tu 'n t-faill uile ta còmhachadh a' mhìonnaich, agus an fcairt *ata* os cionn nan àinean<sup>e</sup>, agus an dà àra<sup>f</sup>, agus an t-faill a *ta* orra, agus loisgidh tu *iad* air an altair.

14 Ach feoil an tairbh agus a fheiche<sup>g</sup>, agus aolach loisgidh tu le teine 'n taobh a muigh do'n champa: *is tabhartas*-peacaidh e.

15 Gabhaidh tu mar an ceudna aon reithe, agus cuiridh Aaron agus a mhic an làmhan air ceann an reithe.

16 Agus marbhaidh tu 'n reithe, agus gabhaidh tu fhuil, agus crathaidh tu i m'an cuairt air an altair.

17 Agus gearraidh tu 'n reithe 'na mhiribh, agus nighidh tu mhionach,

<sup>a</sup> gun ghò, gun aineamh. <sup>b</sup> abhlain; wafers, *Sag.* <sup>c</sup> mhin. <sup>d</sup> nighidh. <sup>e</sup> àe, grùn. <sup>f</sup> àrainn. <sup>g</sup> a fheice.